



25. februar 2015

Inatsisartut suleriaasianni § 37 imm. 1 naapertorlugu Naalackersuisunut imaattunik apeqquaqarpunga:

1. Sooq Nick Nielsenimut mailimi erseqqissarneqanngila, ilumuunnginneraanissamut piunasaqaat nunap atorfilittaasa qullersaanit nassiunneqartoq Naalackersuisut Siulittaasuat sinnerlugu nassiussaasoq?
2. Naalackersuisut Siulittaasuannit pisortatigoortumik allakkap ilumut siulittaasumeerneranik ersiuteqanngitsup taamatut nassiunneqarsimaneranut Naalackersuisut qanoq isumaqarpat?
3. Taamatut Naalackersuisut Siulittaasuannit pisortatigoortumik allakkat namminerisamik mailimiit folketingimi ilaasortaasimasumut nassiunneqarsimaneranut Naalackersuisut qanoq isumaqarpat?
4. Namminersorlutik Oqartussani tunngaviusutut aqutsinermi malittarisassanik taamatut qarsupitsiginermi aqutsisoqarfiit sinnerinut qullersaqarfik qaffasinnerpaaq qanoq oqariartuuteqarpa?
5. Namminersorlutik Oqartussanit taamatut allakkanik politikkimut tunngassuteqartunik namminerisamik mailimiit allanik nassiussisoqarsimava?
(Aaja Chemnitz Larsen, Inatsisartuni ilaasorta, Inuit Ataqtigiiit)

Tunngavilersuut:

Naalackersuisut Siulittaasuata § 37 naapertorlugu apeqquummut akissummini nassuerutigivaa nunap atorfilittaasa qullersaat, Svend Hardenberg, Folketingimi ilaasortaasimasumut ilumuunnginneraanissamut piunasaqaammik namminerisamik mailiminit nassiussisimasoq.

Isumaga naapertorlugu atorfilittap, allaat nunap atorfilittaasa qaffasinnerpaavata, immaqalu allagaatinik takunnissinnaatitaanerup atuutinnginnissaanik siunertaqartumik, taamatut tunngaviusutut aqutsinermi malittarisassanik unioqutitsinera akuerineqarsinnaanngilaq. Erseqqissumik saqqummiunneqartariaqarpoq taamatut iliorneq taannatuaanersoq imaluunniit siusinnerusukkut aamma pisarsimansoq.

Nunap atorfilittaasa qaffasinnerpaavanit taamatut pissusilersorneq toqqissisimanartinnagulu eqqarsarnartoqartippara, tamannalu Namminersorlutik Oqartussat ingerlatsinerannut kukkulluinnartumik oqariartuuteqartoq isumaqarfigaara.

Pissusilersuummik politikikkut nassuerutiginninneq taamatullu akuerinninneq isumakulunnartutut isigivara.
Pisoq ajuusaarnarlunnilu eqqarsarnartoqarpoq.

Apeqqutima ullut suliffiusut qulit iluanni akineqarnissaat kissaatigivara.